

NAMIBIA SENIOR SECONDARY CERTIFICATE

FIRST LANGUAGE RUMANYO ORDINARY LEVEL

4109/1

PAPER 1 Reading and Directed Writing

2 hours 30 minutes

Marks 70

2017

Additional Materials: Answer Book

INSTRUCTIONS AND INFORMATION TO CANDIDATES

- Write your answers on the Answer Book provided.
- Write your Centre Number, Candidate Number and Name in the spaces on the Answer Book.
- Write with blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

MARONDORO NAMAPUKURURO KUMUHAMENI MUMAKONAKONO

- Tjanga malimbururo ghoye muMbapira ya Kulimbwilira oyo vana tapa.
- Tjanga Nomora yaLivango, Nomora yaMuhameni Mumakonakono naLidina paMbapira ya Kulimbwilira.
- Tjanga nashitjangito shashinaliwiru nampiri shashishovagani.
- Wa sha rughanita shidongonito shamema-mema.
- Limburura mapuro **naghantjeya**.
- Kara nashinka kulishantjo, viyivitovaruro narutjangito.
- Vitwa vya pwa kare kutura mutuhaki [] kuuhura wakehe lipuro nampiri muruha rwalipuro.

This document consists of **6** printed pages and **2** blank pages.



Republic of Namibia

MINISTRY OF EDUCATION, ARTS AND CULTURE

LIPONGONYONO A

Varura shivarurwa shino makura u limburure mapuro ogho ghana kukwamo ko.

Shivarurwa 1

Shirugho shamapiyaghano

Lino kwa kalire liyuva lyaliwanitomwaka murongonambiri lyaLiyeve. Kushitenguko ndi kushikara ko shilikaghona nashikuki yira momo vya shwa kukara. Kungurangura a yendi a ka shimbe vaunyendi vaviri vaKavindja naKativa, va yende mumutitu ogho wa kaliro kuviha vyakandundughona kakusheli kunya yamandi. Opo va ka tikire pavitondo vimwe ava yimana va tegherere omo vina kuyimba vidira nakushana mambimbidi gharuvara rwaruwa ogho a va timwitilire nkwirikwa Liyeve. Ruhafo rwa va renkitire va yiyire mukusheteka maywi ghavo gha tape mushagharovyuka muvitondo makura ava dukiri mumutitu ghunya nakuka ghupa vitondo va toghonange mulivhu, va hana shinka kovyo vana kurughana.

Muruku ava ka tika palivango lyakukena, Kavindja ava tantere ashi ndjara ana kuyuvha, ano mpo va ghupire ndya dakupya odo va shimbire ava di kushakanene. Muruku mwenyashilika a ghupu shipakote mundjato yendi nakuvatintera ashi “Kengenu nkuku eyi na shimbi kututweda mundiro tu yi tereke” A ghupu mo nka kaparwa nakuvantera unyendi ashi a ghupe mo tutondo na kukashimba vikuni va ya twede mundiro. Unyavo ghumwe walidina Kavindja a kalire nashinka kovyo va rughanine vaunyendi, mbyovyoshi a vhurukire nakuvantera ovyo va mu tantelire vawina ashi: “Narumwe shi kutweda mundiro mumutitu shinene po paruvede runo rwarukukutu naruvede rwakuyunga mpepo. Shimpe va mu tantelire ashi nakuyiva shi ovyo wa rughananga mundiro dogoro kuvikukengera. Ava twikiri nka kumutantera ashi vantu ovo va karo nauyivi kwatimanga likwina va twede mo mundiro, mbyovyoshi mundiro nakukwata shi kulivhu.”

Liyeve a mu donganita nakumutantera ashi kundere ko udito ogho ghu shoroko po, ame mwenyashilika na yiva ovyo na kurughana. Kativa a ghupu vikuni ano Liyeve a tjatura kaparwa a twede. Vino kwa mu tompokire tupu pashirugho shashifupi. Shitondo shimwe shakukuta opo sha tamikire kutwera ashi cukauka ntjantje nakuvatjilita ano mpepo ayi vareke kuyunga. Vanuke ava ka yimanena kuure kadidi va kengere mundiro omo ghuna kukuhanena livangomudima ghu va kundurukide. Kapi va dimbwilire navantje ashi vihaperera navintje ovyo vya kaliro palivango opo vyakukuta ntani nka kapi va mona rumwe mundiro omo wa kwanguranga ntjeneshi palivango olyo ghuna kara kwa kara po vimenwa ovyo vyakukuto nakukuhanena wangu-wangu mumutitu.

Kativa a tantere vaunyendi naliywi lyakuyeruka ashi ndi va kwangure kushetekera ko mukudimita mundiro ene ngoli lipuro lyayire mumaghano ghavo ashi weni omo va ghu dimita. Mundiro ghuno wa kuhaninine kumaruha ghakukushuva-shuva pashiruvo ntjoshu. Vamati vano ntjeneshi va sheteke kudimita mundiro ghuno kumaruha ghamwe ene ngoli kumaruha ghamwe nka kuna ka yemburuka ngudu mukutwera. Liyeve navaunyendi vaviri ava kutindayiki ngoli palivango limwe va yenda kuuto va vyuka shimboda va sha karo nalighano lyakuyiva ashi weni omo va rughana okuno muti wagho ghuna va wana. Katundeghona tupu ava kenge tupu mantjo okuno vavo vana hwamene.

Kavindja a takuma, “Kengenu mundiro ghuna katika kuvitondo kuviha vyalivango lyakukena ano shimpe kuna ka rokota ghu ka shore kundaghandagha yavitondo, namayura ghakukukuta!” Pa hana kupita nka shirugho shangandi ava yuvhu wiya nauntje omo ghuna kushaghara licukauko olyo lya va yitiliro utjirwe.

Vikorama avi duka vi shane utjiliro mbyovyoshi uvando namalyero ghavyo navintje vina kupama mumuti. Lidjonauko nalikuhano oloyo wa yi titire po muniro kapi vya kalire mumaghano ghavamatighona vanya. Ava duka va popere monyo davo nakushana ndjira omo va tunda mo mumutitu ghunya wa piro. Ayi huru ndjo mbudi ya kaliro musaitunga yaliyuva oloyo lyakwamino ko. Vipuraghera vya kaliro po kuvakamukunda mukushana kuyuvha likuyuvho lyavo omo muniro wava tukukitire nakukundurukida kumandi ghavo kumeho yakukutjindja mpepo. Wiya a ghu kara mburundu ovyo vya tukukitiro vantu ashi opo ngayi ya mvhura, livango kuvhura kuhandjera. Mumati ghuno Liyeve uye kuna rara mushipangero shipara shendi shasho shina pi kumuniro ogho wa kwangulitiro kutwera a hana kuwana mpito yakukupopera mwene.

Are tu pa undjoni ghuno? Vatapimbudi musaitunga kuna kutapa undjoni kuvakashure, omo va diranga kushonga vanuke ndjenditito yakurughanita muniro muuhunga ndi kuvapa vitimwitira ovyo vya karo nambudi yashiponga shamuniro. Vakashure kuna kutapa undjoni kuvakurona, omo va diranga kuhoreka tuparwa ntani naukashu mukukeverera vana vavo. Vakurona kuna kutapa undjoni kuvatapi mbudi musaitunga navatapi mbudi ku TV omo va diranga kunegheda nakuhanita mbudi pankungwashirongo kuhamena rupe omo ghuna kara wiya kurukukutu nalikundungu.

(Kwavi tjindja www.XtremePapers.com)

- 1 Kumapuro ghandanda **(a)** dogoro **(c)** una hepa kutjanga tupu ndandaghona nanda **A, B, C** ndi **D** pashipepa shoye u neghede lilimburo lyauhunga, shihonena **(a)** **A**.
- (a)** Kunke a yendire Liyeve navaunyendi kuuto va ka tameke nashilika shaliwanito?
A Pepi nakandundughona
B Kumandi
C Kwankwirikwa Liyeve
D Mumutitu [1]
- (b)** Vinke va shanine opo va tegherelire kuruyimbo rwavidira?
A Vikuni
B Mambimbidi
C Vikorama
D Vidira [1]
- (c)** Morwanke vya kuhaninine vikorama?
A Kwa tjilire muyoyo wavikorama
B Kwa tjilire muyoyo wawanuke
C Kwa tjilire vatapimbudi.
D Kwa tjilire muti [1]
- (d)** Mukonda munke a shimbilire kaparwa Liyeve ntani vinke vya ka shorokiro kuruku. [2]
- (e)** Fwaturura ntanto yino "vana hwamene" kutwara omo va yi rughanita mulitetoghano 4? [2]
- (f)** Kutwara mulitetoghano lyakuhulilira, mukonda yanke ana kupulira mutjangi ashi "are tu pa undjoni ghuno?" [3]

[10]

- 2 Ove ghumwe wavatapi mbudimusaitunga. Nove mpo wa ka kalire pashishorokwa shampire muliyuva lyashilika shaliwanitomwaka ronambiri shaLiyeve. Tjanga ngoli vitundwamo kovyo wa ka monine vi yende kusaitunga oko wa rughananga.

Rughanita maghano ghamu**Shivarurwa 1** u tjange vitundwamo vyoye. Una hepa kurughanita nkango danaumwoye.

Tjanga mwara nkango **200 – 250**.

[20]

LIPONGONYONO B

Shivarurwa 2

Mundiro paliwe Iyamumuramba

Mavango ghamundiro kuna kuvenkauka gha kutambayike tunda shitondo yenda shitondo, ano muti ghuna ngambwiri palivango nalintjelya muramba okuno mamutondo ghaufughuli ogho va twenyanga ashi livuyu namamuwe ghaghufughuli ghashinaumbombo D. Mata tuna kughamona shi mukonda yamuti unya. Likungontjitwe lino IyaMahango ndyo Iya pito kughufughuli kupitakana mavango ghanjitwe ghamwe. Olyo Iya kupamino mumundema wamutimu shivikepito mpopo vishorokwa vitatu vyamundiro ogho rwa yititire po ruvadi, oro rwa shediro mutitu wapepi nalivango lino lingongome. Vantu ovo va tungo ndi ovo va kundurukido doropa oyo ya karo pepi nalikungontjitwe lino va tundire mo mumandi ghavo ntani nka ntjo shikando shakuhova kuruku rwamwaka rontantatu (80) shina kushoroka shiponga shino omo sha twalidilire likungontjitwe lino kasha li ka pate.

Vadinguli vamwe vakutika kurontambiri (70), ovo va ka liromo matiku ghanya, kapi va vhulire kutunda mo mulivango linya omo wava kondikidire mo mulivango mundiro dogoro nange ukahe waviri yaune ngurangura mpo va ya va vatelire va tunde mo. Shishorokwa shino sha va pire ntjinyaghoma omo sha va vhurukitire kushishorokwapita shamwaka wa 1988 omo livango peke Iyalikungontjitwe IyaMangeti Iya kupamine mumuti. Paruvede runya hasha vantu va shetelire ko kudimita mundiro ghunya ogho wa shorokiliro mulikungontjitwe lino IyaMahango. Muruku rwamayuva murongo, varughani vamulikungontjitwe va vhulire nka kuvavyutira mo vadinguli kutwara mumaruha ogho va karanga mo. Nampiri ngoweyo va dimitire mundiro ghuno, doropa oyo ya karo pepi nalikungontjitwe yalidina Divundu ya djonawitire ndjugho yado da kutika rontatunantatu (33) modino ntantatu nantayimwe (86) rambanga ko nafarama odo da kaliro kuuhura wadoropa nado da ngongomine. Mpire yino kwa tundilire kukantjantje kankondo oko ka twediro wiya nauntje.

Panamwaka mandi gha kutika kurontano namatungo nka peke ghadjonaukire tototo ene ngoli mandi ghakutika kulifere ngoghadjonaukiro kadidi. Lidjonauko lino kulipakerera kutika kumulyo wakutika kudolla miliyuna. Mutitu wakutika kuhekitera mayovi murongo kwangongomine nkwandi mutwitwi navitiki mbyo tupu u mona po. Nampiri tu ghambe ashi shivaka shakushora wiya shina shagha namuntji ene ngoli mpire yino yina pitakana ruviri mukushetakanita nayo yashorokiro mwakughu ntani nka ndjo yauviri kumpire yinya yashorokiro mumwaka wa 1983. Vatungimo kuna kukupuraghera ashi yira momo vana kombanita limona Iyavo, kuna kushinganyeka likungontjitwe Iyamulyo weno ngali karerera po mukonda yampire yakehe pano. Vino kuna kuvighambera mukurenkera ashi vatekuru ntekurunkokona damuNamibia ashi kuvhura ngava ka mone ntjitwe ndi? Lipuro Iyakare kuna ka ya nka waro ashi mpo va li ko ovo va wapero kukandana mpire kuuto wakukadjonaura ntjitwe ndi? Mapuro ghano va gha pulire nka mwaka mbiri dina ka pito po kovyo vya shorokiro mulikungontjitwe IyaMangeti. Ovyo vyashorokiro muno muMangeti, undjoni kwa ghu tapire kuveta yalikungontjitwe yakare yakushuviliranga mundiro kumavango ghamwe upye tupu mbyovyoshi kuruha rumwe ndi viwa tupu kukwavo.

Mpire kwa shorokanga kehe pano mwaka mayovi dina ka pito kuumboyera washirongo. Wiya wayika vitondo yira mavuyu ghakutjindja gha nenepe unene nakukara namayura ghakukondera mundiro ghu dire kupya. Mundiro ghuno wa renkitanga mavuyu navitondo vimwe vimbandumukite mpire nyango da ko mposhi ntanga di kuhanene kumavango peke ngadi kamene nka. Vantu kava ghayaranga ashi kehe dire ghuno mundiro udoni nani ngoli kwa kara nashirughana shagho shashiwa mumutitu.

Shishorokwa shamuMahango kuna kukukananita nandjenditito yavarughani valikungontjitwe ntani nka kuna kuvikentia nawa nawa ashi ndjenditito yakare yakudimita kehe ghuno mundiro ghuna kupyoy muwiya kwa yitanga po maudito ghamayingi. Ovyo ka vi shoroko shivikepita muMahango mundiro wakuhanine unene, kapishi mukonda yarukukutu pentjaro nani ngoli ne wiya kwa ghu shuvilira mwaka namwaka mbyo wa kara liputa. Vino vya renkita ashi mpire udito kukayikandana po.

(Kwavi tjindja www.XtremePapers.com)

- 3 Tjanga omo u ka kama vivarurwa navintje viviri kuhamena lifwatururo lyandjirwa dakukushuvashuva omo ya kuhananga mpire. Rughanita nkango danaumwoye.

Tjanga mwara nkango **200 – 250**.

[20]

- 4 Tjanga ntjangwatumwa yapaveta kuMinisiteri yaNtjitwe naMudingu (Ntjako Posa 1221, Vinduka) omo u ka tapa runyeghenyo roye rwakuhamena kumpire yakudira kuvhura kukandana. Tapa viturwapo omo una shana ashi pankedi munke va vhura kukandana mpire nakurughanena po mavangodjuni ghakukara vadinguli. Rughanita maghano ghamushivarurwa 2 gha ku vatere mushitjangwa shoye.

Tjanga mwara nkango **200 – 250**.

[20]

BLANK PAGE

BLANK PAGE